

大質小劑亮執其言胥師肆長各謹其令江帆海舶
蜀商閩賈水浮陸趨聯檣接武紅塵四合駢至叢貯
匿嘉聚侈揮袂飄舉息燥倍蓰功辦良楫廼有安康
之麩金白膠汝南之蓍草龜甲上黨之石蜜貲布劍
南之編紵賤錦其他球琳琅玕鉉松怪石蟻珠縷絲
枕榦栝柏金錫竹箭丹銀齒革林漆絲枲蒲魚布帛
信都之棗固安之楸暨浦之三如奉化之海錯奇名
異狀夥够堆積貿易者莫詳其生博洽者疇克徧
其承流宣化聽訟訊獄則有宮府焉貴有正有貳有
寮有屬賤有府有史有胥有徒牧伯之宇雄峙於東
嶺廉按之司對列於通衢繡栢雲楣鏤檻文槐環幹
虹梁藻井檠桴長廊廣廡連閣開庭磧礧緻砌渥彩
紛敷塞門內立儀簷豁如于以植其畫戟于以通其
輅車列鍛垂厭警戒不虞詔條自是以宣揚吏民於
焉而犇趨聯識之第**欄**等並建征商之局據要閭居
圖屏靜兮束矢罕入帑藏啓兮金帛廣儲燧礮權配
秉式法而受授常平鎮城積紅腐而羨餘其歲月有
會有計其參考有籍有書庭無壅滯繫師帥之明健
人恥鬪訟由易俗於忙偷其常供正取時運而益大
府之用其休聲美政